

EW NAMOPUNG

A awora ukukun \$10,500 seni ewe Monienapen Legislature-un Chuuk ren fan asengesin monien public project non Namunwito Islands, me pwan ren ekkoch popun.

Tetten 1. Iei a kawor ukukun \$10,500, ika fite ukukun mei namot ren an epwe tongeni naaf seni ewe Monienapen ewe Legislature-un Chuuk ren fan asengesin monien public projects non ewe kinikin Namunwito, epwe iei usun inetin:

- (a) \$9,000 ----- Ren monien public projects epwe kapunguno me ren samonun ekkewe fonu non Namunwito; me
- (b) \$1,500 ----- Ren an nouwisin ekkewe fonu sai fan iten ar kewe muun.


Tetten 2. (a) Ei ukukun moni mei kawor non Tetten 1 epwe einet ika nongeni ewe Director-un Putain Public Affairs, ewe epwe wisen tumunu nounoun me mwokutukutun ewe moni fan iten ewe Legislature ren an epwe chok fiti meta mei affat me non Tetten 1 ren sakkun mwokutukutun ewe moni, iwe esap pwan wor katoun me nounoun ei moni epwe nap-seni ei ukukun mei kawor. Met ukukun ei moni esemwo it ne nounou ika esemwo nussuno non September 30, 1982, epwe niwin sefaan ngeni ewe Monienapen ewe Legislature-un Chuuk.


(b) Ewe Director-un Putain Public Affairs epwap tongeni chok atou moni ika pwe a tori plan-in me popunapen nounoun ewe moni me ren ewe Samon non ewe muun fonu, ika ioon a kefinita an epwe wisen fori fan iten ewe Samon.

Tetten 3. Ewe Director epwe awora an repot won napanapen nounoun me mwokutukutun ei moni ngeni ewe Legislature me mwun April 15, 1982, epwe affatatiw:

- (1) unusen porausen nounoun ewe moni fongon me ukukun nussun mei chiwen wor non April 1, 1982; pwan
- (2) met sakkun atoot ika anapanap ren ewe nu-sun moni esemwo nounouw tori non April 1, 1982, an epwe nounou non met ukukun nussun ewe Fiscal Year, nge och saposapun repot epwe pwan kawor nefinen 20 ran me murin saponon ewe Fiscal Year ngeni ewe Legislature ika ew committee mei kefinita, epwe affatatiw napanapen nounoun me mwokutukutun ewe moni.

Tetten 4. Ei Namopung epwe poputa pochokunan non October 1, 1981 ika a kapunguno me ren ewe Kepina, ika pusin an winiti annuk, nge esemwo kapunguno.

Sain seni: 
Tadashi C. Wainit, Speaker
Truk Legislature

Annetata seni: 
Datasi Albert
Legislative Chief Clerk
Truk Legislature

Pwinin maram: July 6, 1981

Kapunguno seni: 
Ehart Aten, Governor
Truk State Government

Pwinin maram: July 7, 1981